

Broj: 73-04-4-10792-6

Datum: 08-05-2026

Na osnovu člana 64. stav 1. tačka a), člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654), na temelju Izvješća o radu i Preporuke Komisije za nabavku broj: 73-33-4-10792-5 od 29.04.2026. godine, u postupku javne nabavke, Generalni direktor donosi:

**ODLUKU
o izboru najpovoljnijeg ponuđača
za „Nabavka računarske opreme”
LOT 2 (Laserski printeri)**

Član 1.

Prihvata se Preporuka Komisije za nabavku, broj: 73-33-4-10792-5 od 29.04.2026. godine, Ugovor za javnu nabavku „Nabavka računarske opreme” **LOT 2 (Laserski printeri)** dodjeljuje se ponuđaču **ALF-OM d.o.o. Banja Luka**, broj ponude: 023/26 GG od 23.04.2026. godine, za ponuđenu cijenu od **22.900,00 KM bez PDV-a**.

Član 2.

Izabrani ponuđač je u obavezi dostaviti dokaze po članu 45. Zakona o javnim nabavkama (lična sposobnost) u roku i na način kako je to propisano tenderskom dokumentacijom.

Član 3.

Prijedlog Ugovora dostaviti će se na potpis izabranom ponuđaču po pravosnažnosti ove Odluke.

Član 4.

Ova Odluka objaviće se na internet stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 73-11-3-7707-1 od 03.03.2026. godine. Javna nabavka je sprovedena putem otvorenog postupka.

Procijenjena vrijednost javne nabavke bez PDV-a za LOT 2 je 23.000,00 KM.

Obavještenje o nabavci broj: 893-1-1-70-3-488/26 objavljeno je na Portalu javnih nabavki dana 04.03.2026.godine.

Komisija za nabavku, imenovana je Odlukom broj: 73-04-4-10454 od 25.03.2026. godine.

Komisija za javnu nabavku dostavila je Ugovornom organu Zapisnik o pregledu i ocjeni ponuda 73-33-4-10792-4 od 23.04.2026.godine, kao i Preporuku o izboru najpovoljnijeg ponuđača zajedno sa Izvještajem o radu broj: 73-33-4-10792-5 od 29.04.2026.godine, u postupku javne nabavke – „**Nabavka računarske opreme**” - **LOT 2 (Laserski printeri)**.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom Lotu ovog postupka zaprimljeno 6 ponuda,
- da je blagovremeno zaprimljeno 6 ponuda,
- da nije bilo neblagovremeno zaprimljenih ponuda,

-da su zaprimljene ponude ponuđača EMADO d.o.o. Sarajevo, ALF-OM d.o.o. Banja Luka, R&S d.o.o Sarajevo, SYSTEM ONE d.o.o. Sarajevo, REBUS d.o.o. Sarajevo koje su za Ugovorni organ ocijenjene kao prihvatljive za predmetni Lot, dok je ponuda ponuđača DIGITARIJA d.o.o. Sarajevo za predmetni Lot ocijenjena kao nepravilna radi sljedećih razloga:

- Ponuđač Digitarija d.o.o Sarajevo dostavio je ponudu za “Nabavka računarske opreme” – Lot 2 Laserski printeri. Pregledom dostavljene ponude, a u vezi sa zahtjevima definisanim Aneksom 3 – Tehnička specifikacija, utvrđeno je da ne zadovoljava uslove iz tehničke dokumentacije uz obrazloženje:

Uvidom u tehničku dokumentaciju ponuđenog printera tehnička komisija je ustanovila da ponuđeni printer Lexmark MS431dn ne zadovoljava uslove koji su traženi u tehničkoj dokumentaciji, a koji se odnose na rezoluciju printanja. U tehničkoj dokumentaciji tražena je rezolucija printanja 1200x1200 dpi, a ponuđeni printer Lexmark MS431dn po njegovim specifikacijama koje smo dobili u ponudi ima rezoluciju printanja 2400IQ(2400x600), 600x600dpi.

-1200x1200 dpi znači da printer ima **pravu (nativnu) rezoluciju** od 1200 tačaka po inču i horizontalno i vertikalno gdje je svaka tačka stvarno fizički odštampana što daje vrlo oštar i precizan ispis.

-2400IQ(2400x600), 600x600dpi znači to da "IQ" označava interpolaciju (softversko poboljšanje). Printer zapravo ima 600 dpi vertikalno (stvarna rezolucija) i 2400 dpi horizontalno (ili simulirano). Dodatne tačke (dpi) se "izmišljaju" algoritmom i nisu fizički sve stvarne.

-Prema tome ponuđeni printer Lexmark MS431dn ne zadovoljava rezoluciju printanja od 1200x1200 dpi koja je tražena u tehničkoj dokumentaciji.

S obzirom na navedeno, ponuđeni uređaj u predmetnim stavkama ne ispunjava obavezne minimalne tehničke zahtjeve propisane Aneksom 3, koji čini sastavni dio tenderske dokumentacije za LOT 2.

Iz navedenih razloga ponuda ponuđača Digitarija d.o.o Sarajevo, ne ispunjava uslove propisane tenderskom dokumentacij, tačnije Aneksom 3, ocjenjena je kao NEPRAVILNA za LOT 2 i ne uzima se u dalje razmatranje.

Ponuda ponuđača **ALF-OM d.o.o. Banja Luka** je kvalifikovana, prihvatljiva i izabrana kao najpovoljnija, a cijeneći kriterij za dodjelu Ugovora u predmetnom postupku – najniža cijena, kao i okončanu e-aukciju. Dostavljeni su svi traženi dokazi propisani tenderskom dokumentacijom, na propisan način, uz obavezu dostavljanja dokaza po članu 45. Zakona o javnim nabavkama (lična sposobnost). U predmetnom postupku javne nabavke bilo je propisano održavanje E-aukcije, te je ista zakazana i okončana sa gore navedenim ponuđačima. Cijeneći da je najnižu cijenu prihvatljive ponude podnio **ALF-OM d.o.o. Banja Luka** nakon okončane e-aukcije za LOT 2, isti je i odabran kao najpovoljniji ponuđač za predmetni LOT.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, Generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

najniže dostavljene cijene ponude (cijeneći kriterij za dodjelu Ugovora), tehnički i formalno-pravno ispravno dostavljene ponude u okviru procijenjene vrijednosti javne nabavke.

- **Naziv ponuđača čija je ponuda ocijenjena kao najpovoljnija:**


ALF-OM d.o.o. Banja Luka.

Iz navedenih razloga, primjenom člana 64. stav 1. tačka a) Zakona o javnim nabavkama, člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, ili preporučenom poštanskom pošiljkom.

Generalni direktor



Prim.Doc.dr.sci.med. Alen Pilav

Dostaviti:

- Ponuđačima,
- Služba za javne nabavke,
- a/a.